

# Powšitkowne WOZJEWJENJA

njedźelu, 25. apryla 2021

## Wusyłanje Božeu mšow

Serbskorěčnej Božej mši móža wěriwi tutu njedźelu, 25. apryla, znowa jako livestream w interneće sčehować. Dopolnja w 9 hodź. přenese so jedna z Chróšćanskeje cyrkwe, dalša hižo we 8.30 hodź. z Kulowa. Linkaj na njej stej na internetowej stronje [www.posol.de](http://www.posol.de) kaž tež na wosadnymaj stronomaj podate.

## Mejski nyšpor TCM

Towarstwo Cyrila a Metoda z.t. (TCM) přeprašuje na mejski nyšpor, kotryž budže njedźelu, 2. meje, w 17 hodź. w Róžeńčanskej swjatnicy. Zwuk přenese so tež zwonka Božeho domu.

## Rozšěrjenske testowanske časy Charity

Hornjołužiski zwjazk Charity testuje na serbskich wsach kaž tež w Kamjencu a Smochćicach ludźi dale na koronu. Časy a městna pak su so zdžela změnila. Mobilny team stej wotnětkaj stajnje pónđzelu wot 8 do 9.30 hodź. w Njebjelčicach před gmejnskim zarjadom při sportnišću, wot 10.15 do 11.30 hodź. w Róžeńće na dworje gmejnskeho zarjada, wot 12 do 13.15 hodź. we Worklecach na parkowanišću při hornim wjesnym haće a wot 14 do 15 hodź. w Chróšćicach na parkowanišću při „Jednoće“. W Pančicach-Kukowje budže team stajnje štwórtk wot 10.45 do 13.00 hodź. při gmejnskim zarjedze k dispoziciji stać. Na tutech městnach njejsu přizjewjenja trěbne. Dalša stacija testowanja je w rumnosćach Charity w Kamjencu. Tuta je wotewrjena pónđzelu wot 14 do 17 hodź., wutoru wot 8 do 13 hodź. a štwórtk wot 9 do 12 hodź. W Smochćanskim kubłanišću swjateho Bena testuje Caritas pónđzelu, srjedu a pjatk stajnje wot 6 do 10 hodź., štwórtk wot 14 do 18 hodź. a sobotu wot 8 do 12 hodź. Tam kaž tež w Kamjencu su přizjewjenja k testowanju trěbne. Linkaj k tomu stej pod [www.posol.de](http://www.posol.de) podatej.

## Wohnjowi wobornicy do Róžanta

Džakna Boža mša wohnjowych wobornikow ze Zarjadniskeho zwjazka „Při Klósterskej wodze“ budže na předwječoru swjedženja swjateho Floriana, pjatk, 7. meje, w 19 hodź. w hnadownej cyrkwi w Róžeńće. Wšitcy wobornicy kaž tež hosćo su k tomu přeprašeni. Hygieniske škitne naprawy płaća kaž na wšěch druhich Božich službach.

## Modlerski marathon k přewinjenju pandemije

Bamž Franciskus přeprašuje k nowemu modlerskemu marathonej k přewinjenju koronoweje pandemije. Swjaty wótc sam zahaji jón 1. a zakónči jón 31. meje. W samsnym času su wosebje putniske městna namołwjene, zo bychu so w nich wěriwi róžowc w tutej intenciji modlili. Zdobom přenjesu wot wotkanske medije wšednje róžowc z jednoho tajkeho městna na swěće.